



La proscima **Preparaziun al Bato** sará la sabeda, ai 06.05.2017 dales 15:00 te colonia a La Ila. Geniturs che á n mütt da batié é inviá a tó pert y se prenoté al nr. 0471/849372.

**Oferta de Carsëma:** recordun che en Vëndres Sanc él l'oferta por i püri fora por le monn y ciafëise bel sëgn la cassëta jodapé de dljia.

**“Na rōsa por la vita”:** en Pasca, do mëssa grana, sará la uniun dles èles che vëne dan dljia rōses por la “Krebshilfe”.

**Festa di jogn da Pasca de Ma a Salzburg:** sciōche vigni ann éla chësc ann dai 2 ai 5 de jügn. Inviá é i jogn da 12 agn inant y le prisc é de 115 €. Informaziuns sot a [www.festderjugend.at](http://www.festderjugend.at) o pro [renate@valentini.cc](mailto:renate@valentini.cc)

**La biblioteca Sas dla Crusc** inviëia al'ora dles stories por mituns/ans dai 2 ai 5 agn te biblioteca a La Ila en lünesc ai 10 de auri dales 15:00.

**Pelegrinaje a Weissenstein dles vëdues, vëdúi y porsones sores** dl Raiun da Bornech y Val Badia ai 29 de aurí. An pëia ia da S.Laurënz dales 07:45 y le iade y marëna costa 37 €. Prenotesse pro l'ufize KVV da Bornech al nr. 0474/411149.

**La Uniun Ladins Val Badia cun l'Istitut Ladin,** inviëia al *Matinee* cun presentaziun dl liber “*Cianties de dljia y rimes incëria*” en Lönesc de Pasca dales 10:30 a S. Martin sön plaza / tl salif dl Istitut Ladin.

**Sorvisc ai Jogn Val Badia:** *chireste ciomó n laur por l'iste y aste dai 13 ai 19 agn? Scriete ite al proiet JABA 2017!* Les iscriziuns vá fates dai 15 de ma inant tl ofize dl Sorvisc ai Jogn a Picolin (dal lönesc ala jöbia - 08.00-12.00 y 13.00-17.00) o tl Zënter dla Jonëza SaJ.un a La Ila (merc. 13.30-20.00, ven. 15.00-22.00 y sab. 17.00-23.00).

**Skate Curs tl Skatepark a Badia:** mët man ai 06 de ma por 4 sabedes dales 15.00 ales 18.00 (Cost: 30 €) Por informaziuns y prenotaziuns cherdé sö Christiane 342 8410721 o te Sorvisc ai Jogn 0474 523070.

**Cursc de ingleje:** le KVV de Badia organisëia danü 2 de chisc cursc (*Pre-Intermediate y Elementary*) che scomëncia ai 18 d'aurí te biblioteca a Pedraces. Informaziuns ciafëise da Cristina al nr. 333 1591599.



# Plata dla Ploania Badia San Iaco - San Linert

Ploan: Siur Iaco Wendelin Willeit  
Calonia Badia: 0471/839571  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: 91,10 Mhz

UNITÉ PASTORALA




[www.unitepastorala.org](http://www.unitepastorala.org)

Ann „A“ 09.04. - 16.04.2017 Domënia dal Orí n. 20

## Edema Santa

*I adorun túa  
Crusc Signur  
i laldun y glorificun  
túa santa  
ressoreziun,  
dal lëgn dla Crusc  
él indô rové la ligrëza  
te düt le monn.*



### Vangele dla Festa de Pasca dl ann „A“

Jan 20.1-9

Le pröm de dl'edema, é Maria da Mägdala jüda da doman adora, canch'al ê ciomó scür, fora dala fossa y á odü che la pera ê tuta demez dal sepolcher. Ara é saltada debota da Scimun Pire y dal discepul, a chël che Gejú ti orò bun, y ti á dit: An á tut le Signur fora de sepolcher, y i ne savun nia, olach'an l'á metü.

Dailó é Pire y l'ater discepul jüs ia y fora y é rová fora dal sepolcher; ai ê saltá trami debo-riada, mo deache l'ater discepul ê plü asvelt co Pire, é chël rové por pröm dal sepolcher. Al s'á cufé jö y ite y á odü les fasces de lin ia por tera, mo al n'ê nia jü ite. Tratan ê ince rové adalerch Scimun Pire, che ti gnô do, y é jü ite tl sepolcher. Al á odü les fasces de lin ia por tera y la peza dal assoius che é stada söl ce de Gejú; ara n'ê nia pro les fasces de lin, mo dlungia, loblrida adöm te n post espartí. Spo é ince jü ite l'ater discepul, che ê rové por pröm dan le sepolcher; al á odü y á cherdü. Ai ne capí nia ciomó la Scritöra, che al messá pö ressorí dai morc.



# FUNZIUNS SACRES

## 09.04. DOMËNIA dal ORÍ - ann A

- 10.00 *Dan calonia*: Benedisciun dl Orí y prozesciun te dlija  
Mëssa por la Comunità cun letöra dla Pasciun  
15.00 Ora de adoraziun  
18.00 †ta Angela Dariz - aniversar  
†to Sepl Frenademetz da Oies – aniversar  
†ta Gerda Schulze Irsara - aniversar  
por fam. Urban y Tecla Irsara

- 10.04 Lünesc  
07.30 *Les Laudes*

- 11.04. Mertesc - *Mëssa cun le Senioreclub (te Ciasa Runcher)*  
**14.00** †ta Regina Canins - aniversar  
†ta Angela Costa  
por les animes dl purgatore

- 12.04. Mercui  
07.30 †to Giarone Vittur - aniversar  
†ta Sabina Campeï – aniversar  
†ta Agnes Pizzinini Pitscheider - aniversar  
†to Antonio Palumbo

## 13.04. JÖBIA SANTA

- 20.00** **Comemoraziun dla Cëna dl Signur**  
S. Mëssa y adoraziun  
**22.45** *OIES: velia d'oraziun (cun le grup Decanal y SkJ Val Badia)*

- 14.04. VËNDRES SANC – *de de jaiun y astinënza dala cern*  
**15.00** **Comemoraziun dla Mort dl Signur**  
cun adoraziun dla Crusc (oferta por i püri dl monn)

- 15.04 SABEDA SANTA  
**20.00** **Velia de Pasca – Mëssa solena de Ressorenziun**  
*Benedisciun dl'Ega Santa y renovaziun dl Bato*

## 16.04. FESTA de PASCA dl SIGNUR

- 10.00 **Mëssa solena de Ressorenziun dl Signur**  
*Benedisciun dles spëises da Pasca*  
15.00 Öspi de Pasca  
18.00 †ta Veneranda Ferdigg  
†ta Nane Granruaz Pitscheider (al cianta le terzet)  
†ti Pasquale, Marta y Hilda Pitscheider

# Dala VITA dla CÛRA

## Invit al « Triduum de Pasca 2017

I oress invié de cör duc a se tó le tēmp da gní a fá Pasca cun i 3 dis de **gran rengraziamēt**.

Jöbia Santa a rengrazié **dl'Eucarestia y sorvisc da prou**, Vëndres Sanc a rengrazié **dl'opera de salvëza** cun la Santa Crusc y Sabeda Santa a rengrazié dla **creaziun y ressozeziun**.  
*Siur Degan*

**Confesciuns por Pasca** - al é ocajiun da se confessé:

<b>Domënia dal Orí</b>	17.00 - 18.00	
<b>Vëndres Sanc</b>	08.00 - 10.00	16.00 - 18.00
<b>Sabeda Santa</b>	08.00 - 10.00	
<b>Festa de Pasca</b>	08.00 - 09.30	17.00 - 17.45

**Incuntada cun siur Degan – sëra cun la popolaziun:** en lünesc, ai 10 de aurí dales 20:00 te local di ministranc: **Introduziun tl'Edema Santa**.

**I crejimanc** soratôl le bel sorvisc da porté la lüm en Sabeda Santa, porchël esi invia da gni en Vëndres Sanc dales 10:00 te dlija a na proa.

**Ciandëra da Pasca:** i scolars dla scora elementara á fat de **beles ciandëres** che vigni familia pó se porté a ciasa sciöche lominus da Pasca y sëgn dla ressozeziun ( *ma 1 na ciandëra por familia* ).

**I leturs** che fej sorvisc tratan l'Edema Santa é invia de gni n pü' denant te sacrestia por s'arjigné ca. *Gnide ince duc a tó la lista di leturs nöia*.

**Senioreclub:** al se abina en mertesc, ai 11 de aurí dales 14:00 te Ciasa Runcher olache siur Degan dijará la mëssa y baiará sura l'Edema Santa.



Düta la comunité tól pert al dolor dla familia dla defunta Veneranda Ferdigg che al prüm de aurí é gnüda cherdada dal Signur tl'eté de 88 agn. Che ala paises tla pesc eterna.  
*La corona vëgn dita en Lünesc de Pasca dan mëssa.*

UNITÉ PASTORALA



## Edema Santa

I me arjigni ca ala festa de Pasca:  
i me toli dlaurela da tó pert ala liturgia dl'Edema Santa che porta dal tru dla pasciun ala ligrëza dla ressozeziun.  
Fá para!